

ხელშეკრულების № 12

(სახელმწიფო შესყიდვების შესახებ გამარტივებული შესყიდვა)

დ. აბასთუმანი

30 დეკემბერი 2016 წელი

დაიდო, ერთის მხრივ შპს „აბასთუმნის ტუბსაწინააღმდეგო საავადმყოფო“-ს (შემდგომში „შემსყიდველი“), წარმოდგენილი მისი დირექტორის ტარიელ ენდელაძის სახით და მეორეს მხრივ, შპს „ნება“-ს წარმოდგენილი მისი დირექტორის ტატო ილოიძეს (შემდგომში „მიმწოდებელი“) შორის, შემდეგზე:

1. ხელშეკრულების შესყიდვის ობიექტი

1.1. ხელშეკრულების (შესყიდვის) ობიექტია: დაკონსერ. ბოსტნეული(CPV 15300000), მცენარეული ზეთი(CPV 15400000), მანი, შვრიის ფანტელი, ფქვილი ხორბლის(CPV 15600000) და კისელი ხილის(CPV 15900000), (შემდგომში „საქონელი“).

2. ხელშეკრულების საფუძველი

- 2.1. „სახელმწიფო შესყიდვების შესახებ“ საქართველოს კანონი;
- 2.2. „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის № 9 ბრძანება.

3. ხელშეკრულების ღირებულება

3.1. ხელშეკრულების ზღვრული ღირებულება შეადგენს 10528 (ათიათასხუთასოცდარვა) ლარს.

4. ხელშეკრულების კონტროლი

- 4.1. ხელშეკრულების შესრულების კონტროლს განახორციელებს - „შემსყიდველი“-ს სახელმწიფო შესყიდვების ხელშეკრულების შესრულების კონტროლის ჯგუფი, რომელიც წარმოქმნილი საჭიროებიდან გამომდინარე, განახორციელებს ინსპექტირებას, რაც გულისხმობს, ხელშეკრულების პირობების შესრულების კონტროლს;
- 4.2. ინსპექტირების განხორციელებასთან დაკავშირებული ყველა საჭირო საბუთის წარდგენა, ფინანსური ხარჯის და საორგანიზაციო საკითხების გადაწყვეტა ეკისრება მიმწოდებელს.

5. შესყიდვის ობიექტის ხარისხი

5.1. „საქონლის“ უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

6. შესყიდვის ობიექტის მიწოდების პირობები, ადგილი და ვადები

6.1. „საქონლის“ მიწოდება განხორციელდება ეტაპობრივად შემსყიდველის მოთხოვნის შესაბამისად პაციენტთა რაოდენობის მიხედვით საჭიროებიდან გამომდინარე. მიწოდების სავალდებულო ვადაა მოთხოვნიდან 5 დღე.

6.2. „საქონლის“ მიწოდების ადგილი ადიგენის რ-ნი დ. აბასთუმანი ფალიაშვილის 40

7. შესყიდვის ობიექტის მიღება-ჩაბარების წესი

- 7.1. „საქონლის“ მიწოდების დასრულების შემდგომ ფორმდება მიღება-ჩაბარების აქტი;
- 7.2. მიღება-ჩაბარების წინ განხორციელდება მოწოდებული „საქონლის“ საბოლოო შემოწმება, რომელსაც განახორციელებს შემსყიდველი ორგანიზაციის მიერ სპეციალურად შექმნილი ინსპექტიების ჯგუფი.
- 7.3. მიღება-ჩაბარების აქტებს შემსყიდველის მხრიდან ხელს აწერს სათანადოდ უფლებამოსილი წარმომადგენელი, ხოლო მიმწოდებლის მხრიდან მის მიერ უფლებამოსილი პირი.
- 7.4. შესყიდვის ობიექტის მიღება-ჩაბარებისათვის მიმწოდებელმა უნდა წარმოადგინოს სასაქონლო ზედდებული-მიწოდებული „საქონლის“ დასახელების, რაოდენობის, ერთეულის ფასის და საერთო ღირებულების მითითებით და საქართველოს კანონმდებლობით გათვალისწინებული სხვა დოკუმენტაცია.
- 7.5. მიმწოდებელმა უნდა უზრუნველყოს შემსყიდველისათვის
- 7.4. პუნქტში მითითებული დოკუმენტაციის წარდგენა „საქონლის“ დანიშნულების ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება მიმწოდებელს.
- 7.6. „საქონლის“ მიღების დროს გამოვლენილი დეფექტისა და ნაკლის აღმოფხვრას, აუცილებლობის შემთხვევაში გამოცვლას საკუთარი ხარჯებით უზრუნველყოფს „მიმწოდებელი“.
- 7.7. იმ შემთხვევაში, თუ „შემსყიდველის“ მიერ საბოლოო შემოწმების შედეგად გამოვლენილი იქნება „საქონლის“ უხარისხობა, იგი წერილობით აცნობებს „მიმწოდებელს“ წუნდების მიზეზებს მითითებით და მოითხოვს სათანადო კომპენსაციას.

8. ანგარიშსწორების ფორმები და ვადები

- 8.1. ანგარიშსწორების ფორმა იქნება: უნაღდო ანგარიშსწორება მიმწოდებლის საბანკო ანგარიშზე მე-6 მუხლის 6.1. პუნქტის შესაბამისად ერთჯერადად ან ეტაპობრივად საქონლის მიწოდების შემდეგ მიღება-ჩაბარების აქტის გაფორმებიდან შესაბამისი თვის(აქტზე მითითებული) დაფინანსების ჩარიცხვისთანავე.
- 8.2. ანგარიშსწორების განხორციელებისათვის მიმწოდებელმა უნდა წარმოადგინოს შემდეგი დოკუმენტები: ანგარიშ-ფაქტურები საქონლის აღწერით, საქონლის რაოდენობის, ერთეულის ფასის და საერთო რაოდენობის მითითებით.
- 8.3. ანგარიშსწორება განხორციელდება ლარებში.

9. მხარეთა უფლება-მოვალეობები

- 9.1. „შემსყიდველი“ ვალდებულია:
 - 9.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს;
- 9.2. „მიმწოდებელი“ ვალდებულია:
 - 9.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა ყველა მონაცემებით „შემსყიდველის“ დაკვეთას.
 - 9.2.2. დროულად შეასრულოს ხელშეკრულებით ნაკისრი ვალდებულებები;
- 9.3. „შემსყიდველი“ უფლებამოსილია:
 - 9.3.1. მოითხოვოს მიმწოდებლისაგან ხელშეკრულების ყველა პუნქტის აუცილებელი შესრულება;
 - 9.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებას ან მის წინაშე დადგება დაუძლეველი ძალა;
 - 9.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით;
- 9.4. „მიმწოდებელი“ უფლებამოსილია:
 - 9.4.1. მოითხოვოს „შემსყიდველი“-საგან მის მიერ მიწოდებული „საქონლის“ ღირებულების სრული ანაზღაურება;
 - 9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველი“-ს მიერ სახელშეკრულებო

პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა.

9.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის;

9.4.4. მოითხოვოს „შემსყიდველისაგან“ რეალური ზარალის ანაზღაურება, რაც გამოიწვია მისი მხრიდან ამ ხელშეკრულების პირობების დარღვევამ.

10. მხარეთა პასუხისმგებლობა ხელშეკრულების პირობების დარღვევისათვის

10.1. მხარეები სრულიად იღებენ პასუხისმგებლობას ხელშეკრულების სრული და უპირობო შესრულებისათვის.

10.2. ამასთან მხარეები სრულიად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება;

10.3. „მიმწოდებლის“ პასუხისმგებლობა, ხელშეკრულების პირობათა დარღვევის შემთხვევაში, არა მარტო მისაწოდებელი „საქონლის“ ფარგლებში, არამედ „შემსყიდველისათვის“ იმ დანახარჯების ანაზღაურებით, რაც აუცილებელია შესრულებისათვის;

10.4. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს;

10.5. ხელშეკრულების მთლიანი ან ნაწილობრივი შეწყვეტა მხარეთა მიერ წერილობითი შეტყობინების გარეშე და ან შეტყობინებაზე წერილობითი პასუხის მიღების გარეშე დაუშვებელია;

10.6. საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან;

10.7. „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ, სხვა რაიმე დამატებითი ახსნა-განმარტების გარეშე;

10.7.1. თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“;

10.7.2. თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „საქონლის“ მიწოდება სრულად ან დადგენილ ვადებში;

10.8. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან;

10.9. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ;

10.9.1. თუ ხელშეკრულების შესრულების გაგრძელება მიზანშეწონილია „შემსყიდველის“ ფინანსური ინტერესებიდან გამომდინარე;

10.9.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.9.3. „მიმწოდებელი“ გაკოტრბის შემთხვევაში;

10.10. საჯარიმო სანქციები რეგულირდება საქართველოს მოქმედი კანონმდებლობით.

11. პირგასამტეხლო

11.1. ხელშეკრულებით განსაზღვრული ვადების გადაცდენის შემთხვევაში მომწოდებელს ეკისრებათ პირგასამტეხლოს გადახდა ყოველ ვადაგადაცილებულ დღეზე გაანგარიშებით ხელშეკრულების ღირებულების 0.1%-ს ოდენობით;

11.2. იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს მხარეს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება;

11.3. საჯარიმო სანქციების გადახდა არ ათავისუფლებს მომწოდებელს ძირითადი ვალდებულებების შესრულებისაგან;

11.4. მხარე ვალდებულია იღებს უზრუნველყოს პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში.

11.5 5.1 და 6.1 მუხლის ყოველი დარღვევის შემთხვევაში მომწოდებელი ერთჯერადად გადაიხდის ჯარიმის სახით ხელშეკრულების ღირებულების 1%-ის ოდენობით, რომელსაც დადასტურება ექნება შემსყიდველის მხრიდან ინსპექტირების აქტითა და მოხსენებითი ბარათის საფუძველზე კომპეტენტური პირებიდან.

12. დაუძლეველი ძალის მოქმედება

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი;

12.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მომწოდებლის“ შეცდომებთან და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით და სხვა მასთან გატანაბრებული მოვლენებით, რომელსაც ცნობენ მხარეები.

12.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.

12.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

13. სადავო საკითხების გადაწყვეტა

13.1. „შემსყიდველმა“ და „მომწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

13.2. თუ „შემსყიდველი“ და „მომწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

14. გამოსაყენებელი სამართალი

14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების ენა

15.1. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცვლება მხარეთა შორის უნდა შეესაბამებოდეს სახელშეკრულებო პირობებს.

16. ურთიერთობა მხარეებს შორის

16.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. ხელშეკრულების სხვა პირობები

17.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

17.2. „მიწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

17.3. ხელშეკრულებების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

17.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

18. ხელშეკრულების მოქმედების ვადა

18.1. ხელშეკრულების გაფორმების თარიღი 29 დეკემბერი 2016 წელი

18.2. ხელშეკრულება ძალაში შედის 2017 წლის 1 იანვრიდან და მოქმედებს 2017 წლის 31 დეკემბრის ჩათვლით.

18.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

18.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. განსაკუთრებული შენიშვნები

19.1. ხელშეკრულება დგება ორ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიწოდებელს“.

20. მხარეთა რეკვიზიტები

„შემსყიდველი“

შპს „აბასთუმნის ტუბსაწინააღმდეგო საავადმყოფო“

დ.აბასთუმანი ფალიაშვილის #40

ს/კ 222717246

სს „ლიბერთი ბანკი“ სამცხე-ჯავახეთის განყოფილება

ბ/კ LBRTGE22

ა/ა GE84LB0113128445216000

დირექტორი:

ტარიელ ენდელაძე

„მიწოდებელი“

შპს „ნება“

დ.აბასთუმანი რუსთაველის 64

ს/კ 422722575

სს „საქართველოს ბანკი“

ბ/კ BAGAGE22

ა/ა GE52BG0000000767382200

დირექტორი:

ტატო იდოიძე



თქვენი ა/წლის 27 დეკემბრის წერილის #4/263-ის პასუხად გიგზავნით ფასების ცხრილს თუ რა ღირებულებით შეგვიძლია მოგაწოდოთ ქვემოთ ჩამოთვლილი პროდუქტები 2017 წლისათვის:

#	დასახელება	განზომილება	რაოდენობა	ფასი (ლარი)	ჯამი
1	რაფინირებული ზეთი	ლიტრი	900	3,6	3240,00
3	კიტრის მწნილი-0720	ქილა	200	3,5	700,00
4	დაკონსერვებული ბარდა-0,800	ქილა	200	2,4	480,00
5	მანანის ბურღული	კბ.	1000	1,8	1800,00
6	ხორბლის ფქვილი	კბ.	600	1	600,00
7	შვრიის ფანტელი	კბ.	300	1,8	540,00
8	კისელი ხილის	კბ.	550	3,2	1760,00
9	ტომატი-0.800	კბ.	320	4,4	1408,00

პატივისცემით,
 შპს "ნება"-ს დირექტორი:



ტ. იდოიძე